

# Cun paucas e trumbettas da lontan e manaivel

«JazzCuira» – la nova uniun tetgala per musicists ed aderents da la musica da jazz en il Grischun

■ (fmr/mc) ler han musicists ed aderents da la musica da jazz dal Grischun lantschà la «JazzCuira» l'emprima stagiun sut quest num. Ensemen cun la «Postremise» ha la nova organisaziun tetgala da jazz dal Grischun inaugurà la tribuna creada aposta per quest intent en il foyer da la «Postremise». Sin la carta da menu stattan musica da la suprananza da JazzCuira ed in referat da *Daniel Knecht*, manader dal PreCollege a la Scuola auta turitgaisa dals arts, che porta il titel «PreCollege – ina schanza per il Grischun?».

## In program vast e variant

Per ses emprim program da la stagiun raduna JazzCuira artistas ed artists giuven, frestgs ed arrivads da lunsch e da manaivel en la chapitala grischuna. Il public spetga suenter l'ouvertura en la «Postremise» ina vasta paletta da bands naziunals ed internaziunals. Sco curatur dal Jazz Club Chur ha *Luca Sisera* pudì engaschar il duo tudestg-franzos *Nils Wogram & Bojan Z.*, la band austriaca *Shake Stew* cun in start da success nar, il ghitarrist miraculus *Ronny Graupe* da la Germania e la pianista svizra *Sylvie Courvoisier* che viva a New York. La retscha Soundhund da sia vart preschenta sut la direzziun da *Marc Lardon* num's extraordinaris da la musica improvisada: Il saxofonist *Hans Koch*, l'eleonist *Gaudenz Badrutt* u il quartet svizzer legendar OM.

## Reuniun dal jazz local e regional

«E natiralmain chatta er il jazz local e regional la via sin las tribunas indigenas ed accentuescha la programmaziun conscienta da musicistas e musicists grischuns», punctuescha JazzCuira en sia comunicaziun da pressa. Per lur studi èn els partids en il grond e vast mund – JazzCuira als envida da returnar a chasa.

Uschia stat, sper il duo *Corin Curschellas & Patricia Draeger* ed il *Looty Trio* da la battarista indigena *Valeria Zangger*



En la «Postremise» a Cuira ha la scena da jazz da Cuira survegni ina nova tribuna..

FOTO Y. BÜRKL

era Sisera sez cun ses quintet *Roofers* sin la tribuna. *Weekly Jazz at the Marsoel Bar* preschenta la vita da jazz naziunala ed internaziunala da la Svizra cun integrar a medem temp artistas ed artists grischuns e promova il barat tranter las musicistas ed ils artists sco era cun il public. Ultra da quai sonoriseschan studentas e students da musica grischuns e la saxofonista arrivada *Nicole Johännngen* la festa per il Di internaziunal dal jazz, la quala ha lieu ils 30 d'avrigl en la sala dal Marsöl. La medema saira surdat JazzCuira era per l'emprima giada la distincziun nova «Jazz-Accord».

Sco ulteriura premiera metta l'uniun JazzCuira si il chapè da la producenta ed è responsabla ensemen cun RTR per las registraziuns en directa dal trio da clavazin *Rosset Meyer Geiger* che han lieu dals 14 fin ils 16 d'avrigl 2020 en la bar dal Marsöl.

## 120 musicists en 50 arranschaments

L'uniun fusiunada da *Jazz Club Chur*, *Soundhund*, *Weekly Jazz*, *Palaver* ed

*Akademie* s'occupa en il futur da l'entir spectrum dal jazz e da la musica improvisada.

Cun preschentar passa 120 musicistas e musicists durant var 50 occurrenz ad onn porscha JazzCuira ina participaziun culturala d'emprim maun che tanscha sur las linguas, furmazions e generaziuns or.

Per incumbensa da l'uniun JazzCuira coordinescha in secretariat creà aposta la lavur da las manadras e dals manaders artistics per ils singuls formats. JazzCuira na sa distingua betg mo stilisticamain, mabain er organisatoricamain tras ina vasta purschida.

Sper il Marsöl, in'instituziun ch'ha contribuì fermamain ils ultims 10 onns a sviluppar, consolidar e render enconuschenta sin plaun naziunal la scena da jazz locala e da la Svizra da l'ost e nua ch'han già lieu già passa 500 concerts da jazz, tschertga l'uniun conscientamain la collavuraziun cun ulteriurs lieus da musica adattads sco per exempel la «Postremise» a Cuira.

## Furmaziun per giuven musicists ed amatur

Ma era davos la tribuna sa stenta JazzCuira cun l'Akademie da porscher ina vasta paletta d'offertas da furmaziun per musicistas e musicists giuven sco era per amaturas ed amatur da jazz interessads.

Cun pled e fatg s'engascha l'uniun JazzCuira per in cumportament progressiv en dumondas da l'egualitad, da la diversitad linguistica e da la participaziun culturala per tut ils umans. La cultura n'è betg in intent per sasez, mabain promova il dialog e l'avertadad per il nunenconuschent. Per quai stat il jazz – e per quai stat JazzCuira.

Detagls ed ulteriuras infurmaziuns davart ils puncts da program enfin la stad 2020 sin [www.jazzchur.ch](http://www.jazzchur.ch)

## Program da cultura

### Gievra, ils 30 da schaner 2020 a las 19.00

ONE, TWO, ONE TWO THREE FOUR – in arranschament da JazzCuira e da la «Postremise». Lieu: Postremise, Engadinstrasse 43, 7000 Cuira

### Mardi, ils 4 da favrer 2020 a las 20.15

Luca Sisera Roofers (CH)/Nils Wogram & Bojan Z. (D/F): Lieu Postremise, Engadinstrasse 43, 7000 Cuira

### Gievra, ils 6 da favrer 2020 a las 20.30

Mischgewebe/The Music of Brad Mehldau. Lieu: Marsöl die Bar, Süswinkelgasse 25, 7000 Cuira